

Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje TK
Tuzla

Broj: 01-11-4-1041-19/23
Datum, 31.10.2023. godine

Na osnovu člana 69. stav (1) tačka b), stav (2) tačka d) i člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), člana 21. Statuta JU Službe za zapošljavanje TK broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21-3 od 10.06.2021. godine i broj: 01/1-04-1-429-9-3/22 od 19.07.2022. godine, v.d. direktora donosi:

ODLUKU
o poništenju postupka javne nabavke

Član 1.

Poništava se postupak nabavke namještaja za LOT 3- nabavka vrtnog namještaja.

Član 2.

Predmetni postupak javne nabavke okončava se poništenjem, obzirom da nijedna od primljenih ponuda nije prihvatljiva.

Član 3.

Ova Odluka bit će objavljena na web stranici JU Služba za zapošljavanje Tuzlanskog kantona, www.szztk.ba i dostavljena ponuđačima koji su učestvovali u predmetnom postupku javne nabavke.

Obrazloženje

Postupak javne nabavke namještaja, pokrenut je Odlukom o pokretanju postupka, broj: 01-11-4-1041/23 od 25.07.2023. godine.

Predmetnim postupkom, predviđena je i nabavka vrtnog namještaja- Lot 3. Nakon što je postupak kod prvog pokretanja rezultirao poništenjem, ponovno je pokrenuta procedura za ovaj lot, objavljivanjem TD broj: 01-11-4-1041-15/23 od 16.10.2023. godine, na portalu javnih nabavki.

Protekom roka za dostavu ponuda, izvršeno je otvaranje ponuda, kada je konstatovano da je stigla samo jedna ponuda, ponuđača Inter Com doo Zenica.

Nakon što je Komisija za javne nabavke izvršila pregled i analizu jedine dostavljene ponude, utvrdila je da je cijena iste iznad procijenjene vrijednosti nabavke, što navedenu ponudu čini neprihvatljivom.

Naime, Komisija je utvrdila utvrdila da je ponuda ponuđača Inter com doo Zenica, broj: 469-D/23 od 26.10.2023. godine, ukupne vrijednosti 2.654,00 KM bez PDV-a, iznad procijenjene vrijednosti, obzirom da je tačkom 2.2.2. tenderske dokumentacije, određena procijenjena vrijednost nabavke u iznosu od 2.564,10 KM bez PDV-a. Obavještenjem o nabavci, greškom je unesen iznos od 2.654,10 KM, što i sam ponuđač nije primjetio kod pripreme ponude.

Međutim, obzirom na činjenicu da je iznos od 2.564,10 KM bez PDV-a, predviđen kao procijenjena vrijednost u Finansijskom planu i Planu javnih nabavki, ali i tenderskoj dokumentaciji, a da je u Obavještenje o nabavci, tehničkom greškom unesena pogrešna procijenjena vrijednost, Komisija je ocijenila da je ponuda neprihvatljiva i dostavila prijedlog za poništenjem postupka.

Prilikom donošenja ove Odluke, a razmatrajući dostavljene akte, v.d. direktora je utvrdio da je Komisija za javne nabavke, prilikom analize i ocjene dostavljene ponude u svemu postupila u skladu sa Zakonom o javnim nabavkama i podzakonskim aktima koji regulišu ovu oblast. Obzirom na navedeno, v.d. direktora nije našao nepravilnosti u radu Komisije, koji bi eventualno bili osnov za neprihvatanje njihove preporuke.

Shodno odredbama Zakona o javnim nabavkama, podzakonskim aktima i općim aktima Službe, donosi se Odluka o poništenju predmetnog postupka.

Iz navedenih razloga, primjenom člana 69. stav (1) tačka b), stav (2) tačka d) te člana 70. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Ukoliko ponuđač smatra da je Ugovorni organ u toku datog postupka dodjele Ugovora izvršio povrede Zakona ili podzakonskih akata ima pravo da pokrene žalbeni postupak u roku od 5 dana od dana prijema ove Odluke, u skladu sa članom 101. stav (5) tačka c) Zakona o javnim nabavkama ("Službeni glasnik BiH", broj: 39/14 i 59/22).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

Dostaviti:

1. Odjeljenje za pravne i opće poslove
2. Inter Com doo Zenica
3. a/a

Pripremila:

mr.iur. Berisa Ahmetović, bachelor prava
Stručni savjetnik za javne nabavke i pravne poslove



v.d. DIREKTOR-a

Miralem Softić, dipl.oec